

Bawa obor keliling KL

■ Najib ketuai 250 peserta lari 5.2km dari KLCC ke Menara NAZA

Idris Musa dan Azian Muhammad Zain
sukan@hmetro.com.my

Kuala Lumpur

Perdana Menteri Datuk Seri Najib Razak mengetuai Larian Obor sempena Sukan SEA dan Sukan Para ASEAN (KL2017) sejauh 5.2 kilometer yang bermula di perkarangan Menara Berkembar PETRONAS KLCC ke Menara NAZA, Persiaran KLCC semalam.

Larian membabitkan kira-kira 250 peserta itu turut diiringi isteri Perdana Menteri Datin Seri Rosmah Mansor, Menteri Belia dan Sukan Khairy Jamaluddin Abu Bakar dan Menteri Wilayah

Persekutuan Datuk Seri Tengku Adnan Tengku Mansor.

Turut serta Pengerusi PETRONAS Tan Sri Mohd Sidek Hassan serta Presiden dan Ketua Pegawai Eksekutif Kumpulan PETRONAS Datuk Wan Zulkiflee Wan Ariffin, Pengerusi Eksekutif Kumpulan dan Ketua Pegawai Eksekutif Kumpulan NAZA Corporation Holdings Sdn Bhd SM Nasarudin SM Nasimu-

ddin, Pengerusi Eksekutif Kumpulan dan Ketua Pegawai Eksekutif Kumpulan Naza World Group of Companies Sdn Bhd Datuk Wira SM Faisal SM Nasimu-

ddin serta Timbalan Pengerusi Eksekutif dan Pengarah Urusan Kumpulan NAZA TTDI Group SM Faliq SM Nasimuddin.

Terdahulu berlangsung acara penyerahan Obor KL2017 daripada negeri Selangor yang diwakili oleh atlet ekuestrian negara, Qabil Am-bak kepada Wan Zulkiflee di tapak permulaan

acara larian di Persiaran KLCC.

Perdana Menteri kemudiannya mengetuai acara larian bersama peserta lain menuju Menara NAZA.

Selesai menyempurnakan larian obor di Menara NAZA, Perdana Menteri menurunkan tandatangan pada kereta ikrar KL2017, sebagai tanda sokongan kepada temasya itu dengan mesej "Negeraku

Bangkit Bersama."

Selesai acara, obor KL2017 dibawa ke Menara Kuala Lumpur dengan Ketua Setiausaha KBS Datuk Lokman Hakim Ali melakukan terjunan pada ketinggian 300 meter.

Larian obor itu adalah kesinambungan daripada larian di Selangor yang tamat di Shah Alam, kelmarin. Selepas Menara NAZA, obor itu akan dibawa ke beberapa lo-

kasi di ibu negara sebelum ke Putrajaya dan destinasi terakhirnya di Stadium Nasional, Bukit Jalil.

Ia adalah acara menjelang temasya KL2017 sebagai inisiatif bagi meningkatkan motivasi dan semangat rakyat kepada kontinjen nega-

ra.

Seramai 871 atlet negara menyertai 397 acara daripada 404 yang dipertandingkan secara keseluruhan.



KAKITANGAN PETRONAS dan orang ramai melakukan seraman sebelum memulakan larian.



NAJIB dan Rosmah bergambar bersama peserta Larian Obor Kuala Lumpur 2017 di Menara NAZA.



SEBAHAGIAN pertunjukan Capoeira yang turut serta pada Majlis Larian Obor KL2017.



NAJIB berlari membawa obor sambil dilirigi Khairy, Wan Zulkiflee dan orang ramai menuju ke Menara NAZA.

FAKTA

871 atlet negara
sertai 397 acara
Sukan SEA